

四聖縣樞

亥23

71-342

省中医藥学委员会書簽



四聖懸樞卷三

昌邑黃元御坤載著

小兒痘病。卽大人寒疫。寒傷營血。營閉而衛鬱。衛氣外發。則生。內陷則死。非解仲景傷寒。不知寒疫。非解寒疫。不知痘病。但以先聖無言。古經闕載。後世庸工。未燭厥理。涉水迷津。鑿山罔道。靈關弗啟。元鑰難開。篇章累架。悉憑虛公子之言。著作連箱。皆烏有先生之論。致令孩提不祿。襁負天亡。方出人關。已登鬼籙。縱使昔之壽民。旦爲今之殤子。痛此億萬嬰兒。橫罹冤酷。怛然悲惋。心折骨驚。作痘病解。

痘病解第三

痘病根原

痘病者。寒疫之傷營血也。此因木火發泄。營陰不閉。是以寒浸於血分。寒傷大人則爲寒疫。小兒則爲痘症。其病一也。而症則異焉。氣統於肺。血藏於肝。肺氣清涼而降斂。肝血溫暖而升發。自然之性也。血性宣揚而寒性閉澀。寒傷營血。閉其皮毛。營愈閉而愈欲發。發而不透。外束衛氣。故衛鬱而爲熱。六日經盡。衛氣鬱隆。發於汗孔。形同痘粒。是以名痘。小兒寒水蟄藏。相火未泄。皮毛之密異於大人。故感冒寒疫。衛鬱而

痘發。痘粒圓滿。衛鬱散布。則熱退而病除矣。凡人傷寒。未始
病痘。寒疫之邪。纏綿固滯。最難解散。小兒肌膚緻密。感之則
痘生焉。嶺南塞北。不見此病。地暖則孔竅不閉。地寒則皮毛
不開。故感而不傷也。

痘病消長

小兒寒疫傳經。亦同大人。一日太陽。二日陽明。三日少陽。四
日太陰。五日少陰。六日厥陰。六經俱盡。衛氣外發而生痘粒。
一經之鬱散。則一經之病解。七日太陽病衰。八日陽明病衰。
九日少陽病衰。十日太陰病衰。十一日少陰病衰。十二日厥

陰病衰。衛鬱盡達而痘愈矣。陽盛者。經陽司氣而熱鬱於外。陰盛者。藏陰當權而寒鬱於內。陽盛則紅白而起發。陰盛則紫黑而塌陷。以陽長而陰藏其性然也。起發則生。塌陷則死。故陰不可長而陽不可消。陽莫盛於陽明。陰莫盛於少陰。陽盛則陽明之經病也。陰盛則少陰之藏病也。藏陰太盛。寒及於經而絡中之陽亦消。經陽太盛。熱連於府而藏中之陰亦耗。藏寒則宜溫補。而府熱不可寒泄。補則衛發而痘長。泄恐衛陷而痘消。明於消長之理。崇陽明而黜少陰。此痘家不易之法也。仲景傷寒少陰之篇。少陰負跌陽者爲順也。跌陽胃

脉實痘病之玉策金繩矣。

熱吉寒凶

痘發於陽盛而外熱陷於陰盛而內寒。是以感病之時。熱甚者吉。熱微者凶。發熱三日。三陽之盛也。發熱二日。則太陽之陽虛。故一日不熱。發熱一日。則陽明之陽虛。故二日不熱。陽虛則衛鬱不發。即暫時略發。而究不茂長。終必塌陷。一入三陰之藏。熱退寒生。死不可醫矣。陽貴陰賤。凡病皆然。至於痘家。尤為甚焉。陰貴之症。除溫病溫疫傷寒。陽明實證外。他未嘗有也。是以三陽之經熱。痘家之生途。而一見少陰之寒來。即寓危機。恐其寒來而熱。

何星錄
卷三
熱吉寒凶



不繼發也。三陰之藏寒。痘家之死路。而一見厥陰之熱發。卽爲佳兆。喜其熱發而寒不再來也。其陽復而熱過者。疳蝕癰潰。不無後患。然已出死路而登生途。縱治療乖違。未免損傷。究爲肢體殘缺之人。猶勝作官骸周全之鬼也。

抑陰扶陽

痘家自始至終。全賴陽旺。陽減一分。則其異時發達收斂。必有一分欠缺。其甚則紅紫凹塌。而衛氣不升。其次則灰色平陷。而衛氣不長。其次則泡殼空虛。而衛氣不充。其次則皮膚脆嫩。而衛氣不斂。衛有不到之處。卽人有危亡之憂。縱毫無

欠缺。痧退病除。而癍色老嫩。猶關性命。黑者上吉。紅者無慮。白者終凶。黑者陽旺而熱盛也。紅者陽平而熱調也。白者陽虛而熱敗也。凡見諸證。當竭力扶陽。以挽末路。惟煩熱煩作。痘色枯焦。此少陽相火之旺。厥陰風木之鬱。緣木司營血。而主色澤。血虛不能華色。而風木消爍。愈失光潤。故見枯焦。宜以柴胡黃芩地黃芍藥泄相火而滋風木。肌膚自華。原非下證。痘家誤服硝黃而反起發豐潤者。正是此種。此是誤用而誤效。雖能奏效。究竟是誤。庸工見其偶效。以爲痘有下證。死有餘辜者也。

太陽經證

頭痛腰痛發熱惡寒咳嗽嚏噴

太陽在六經之外皮毛之分。次則陽明。次則少陽。次則太陰。

次則少陰。次則厥陰。近於骨矣。衛司於肺。營司於肝。營行脉

中。衛行脉外。而總統於太陽。寒自外感而傷營血。故太陽先

病。寒性閉澀。竅開寒入。閉其皮毛。血不得泄。是以傷營。陰內

陽外。位之常也。寒傷營血。皮毛閉塞。營陰欲泄。膚無透竅。外

乘陽位。束其衛氣。衛氣內鬱。則壅遏而爲熱。營血外束。則收

藏而爲寒。陰陽易位。彼此纏迫。故發熱而惡寒也。太陽之經



自頭下項行身之後。經氣迫束。故頭項腰脊骨節俱病也。皮毛外閤。肺氣壅遏。逆行上竅。泄之不及。故嗽嚏喘促也。營血遏鬱。木氣不暢。肝木弗升。則振撼而爲悸。膽木勿降。則懸虛而爲驚也。足少陽行於身側。手厥陰行於中指。少陽之相火上逆。故耳後筋紅。厥陰之相火下陷。

手厥陰亦爲相火。

故中指節冷

也。營爲寒侵。束閉衛氣。衛氣不達。鬱而生熱。是營傷而衛閉也。宜紫蘇湯。蘇葉發其皮毛。杏仁利其肺氣。桂枝通經而行營血。甘草培土而補中氣。使寒隨汗散。營開而衛泄。則不生痘病也。

紫蘇湯

治小兒寒疫太陽經症而未成痘者。

蘇葉

三錢

桂枝

一錢

杏仁

二錢

甘草

一錢

流水煎半杯。熱服。覆衣取汗。冬月寒盛須以麻黃發之。

陰陽盛衰

太陽一經三陽三陰之綱領也。陽盛則外傳三陽之經。陰盛則內傳三陰之藏。陽盛者三陽當令。經熱外發。則藏陰退避。而內寒不生。陰盛者三陰司權。藏寒內動。則經陽敗沒。而外熱不作。陽盛則善長。故紅腫而外發。陰盛則善藏。故黑羸而



內陷外發則衛氣升達而人生。內陷則衛氣淪亡而人死。陽盛者順。陰盛者逆。自然之理也。究之病在太陽不早解其表寒。內傳六經衛鬱痘粒斯發。已爲順中之逆。若於痘形未見之先。早以表藥解之。令其寒散衛泄。痘粒不生。是爲順中之順也。庸工謬妄以爲藏府之毒。不知解表而又以寒泄敗其胃氣。小兒天枉。千載含冤。此輩穰穰。何可勝誅也。

停水不消

太陽膀胱職司水道。陽衰土濕之家。水不歸壑。乘表寒外閉。裏水鬱發。逆行陽位。客居心下。或原無停水。而渴飲茶湯。蓄

積不化。水氣阻格肺胃不降。多主嘔噦欬喘之證。肝脾不升。多有泄利淋瀝之條。水旺則火土雙敗。異日黑陷之基。預伏於此。是宜表裏雙解。宜以蘇桂薑辛湯。蘇葉泄其衛氣。桂枝行其營血。甘草培土。芍藥泄木。半夏細辛乾薑五味降衝逆。而止嘔噦欬喘。則裏氣調而表鬱宣。積水化汗。泄於皮毛矣。

蘇桂薑辛湯

治太陽經症痘未發而有水氣停阻者。

蘇葉

三錢

桂枝

一錢

甘草

一錢

芍藥

一錢

半夏

二錢
洗

細辛

一錢

乾薑

一錢

五味

一錢

流水煎半杯。熱服。覆衣取微汗。若下利加赤石脂錢一

若渴者去半夏加栝蒌根錢二若小便不利加茯苓錢一

若喘者加杏仁錢一若噫者加附子錢一

煩躁發渴

太陽未傳陽明。不作煩渴。內連陽明。衛鬱發熱。而外泄無路。煩渴乃生。以胃府燥氣因表鬱而裏應也。此在大人或有表解而病此者。小兒不得汗泄。必連表證。宜白虎加元麥紫蘇湯清金而發表。氣虛者加人參以益氣。防其渴止陽亡而衛氣虛敗也。

白虎加元麥紫蘇湯

治太陽經症未解而見煩渴者。

石膏

二錢生

知母

一錢

甘草

一錢炙

粳米

半杯

元參

一錢

麥冬

三錢

紫蘇

三錢

流水煎至米熟。取半杯熱服。覆衣取微汗。

人參白虎加元麥紫蘇湯

治症同前

石膏

一錢

知母

一錢

甘草

一錢

粳米

半杯

人參

一錢

麥冬

三錢

元參

一錢

紫蘇

三錢

流水煎至米熟。取半杯熱服。覆衣取微汗。

寒疫之證。



藏府亦生濕寒燥熱者頗少。小兒相火未泄。陽旺之人。多有此證。白虎不可不備也。

血升鼻衄

太陽未傳陽明。衛鬱非盛。尙無衄證。一傳陽明。衛氣鬱遏。經絡勿容逆循。鼻竅衝逼。營血則見衄證。衄則衛鬱升泄。痘可
不生。然衄解較之汗解。損陽頗重。且恐衛鬱不盡發泄。而衄
後陽虛。痘不茂長。則反壞大事。其於脉浮發熱鼻燥口乾。衛
鬱欲衄之時。以紫蘇石膏地黃湯泄衛鬱而涼血蒸表。氣解
泄。則衄證免矣。



紫蘇石膏地黃湯

治太陽將傳陽明。脉浮發熱。鼻燥口乾。欲作衄症者。

蘇葉

三錢

桂枝

一錢

杏仁

一錢

甘草

一錢

石膏

一錢

生地

一錢

麥冬

三錢

丹皮

一錢

生薑

一錢

大棗

一枚

流水煎半杯。熱服。覆衣取微汗。

陽明經證

嘔吐泄利

陽明之經。在肌肉之分。皮毛之內。太陽經病。以次相傳。二日則及陽明。其經挾口環唇。行身之前。經氣上壅。故口燥鼻乾。